

ARGYMHELLION IS BWYLLGOR MWYNDERAU
NOS FAWRTH 10^{fed} IONAWR 2017
YN SIAMBR Y CYNGOR AM 7.00 O'R GLOCH YR HWYR

Presennol:
Cynghorwyr:
Wil Guest Roberts (Cadeirydd)
Annwen Daniels
Mel Goch ap Meirion
Erwyn Jones
Rory Francis

Ymddiheuriad:
Cynghorydd:
Bedwyr Gwilym

DATGAN DIDDORDEB

Ni fu i unrhyw Gynghorydd Datgan Diddordeb

1. Pistyll Diffwys

Cafwyd gwybodaeth bod y gwaith angenrheidiol ar y pistyll ar fin dechrau
Argymell: I dderbyn y wybodaeth.

2. Adroddiad Caeau Chwarae

Bu i'r cynghorwyr edrych yn drylwyr ar yr adroddiadau a nodi unrhyw nam. Bu i'r cynghorwyr nodi bod y gwaith ar y siglen nyth deryn y Parc wedi ei gwblhau yn rhad ac am ddim.

Argymell: I holi cwmni G L Jones pa bryd fydd y gwaith ar yr offer chwarae a archebwyd ym mis Awst yn cael ei gwblhau.

3. Adeilad y Cyngor

Cafwyd gwybodaeth bod y broses o drosglwyddo perchnogaeth yr adeilad o Gwmni Adwy i Antur Stiniog wedi ei gwblhau erbyn hyn. Tenantiaid y llawr gwaelod yn unig yw'r Cyngor Tref.

Argymell: I dderbyn y wybodaeth ac i ddatgan unwaith eto'r siom na chafodd y Cyngor Tref gynnig i gymryd yr adeilad drosodd i berchnogaeth gymunedol yr ardal.

4. Parc Sglefrio

Cafwyd gwybodaeth bod angen ychydig bach o waith unwaith eto ar y rampiau sglefrio i'w cael yn berffaith ar gyfer sglefrio. Gobeithir y bydd cwmni John Roberts (Ffestiniog) Ltd yn gallu cwblhau'r gwaith o glirio'r hen safle traciau ceir modur ddiwedd y mis os bydd y tywydd yn ffafriol. Yn anffodus nid oedd yn bosib cynnal y gweithdy graffiti yn ddiweddar oherwydd y tywydd garw.

Argymell: I dderbyn y wybodaeth

5. Cae Baltic

Mae'r Cyngor Tref yn dal prydles ar Gae Baltic yn ei gyfanrwydd ac yn gobeithio bydd y rhydd-ddaliad yn cael ei drosglwyddo i'r Cyngor Tref o Gyngor Gwynedd yn ystod y flwyddyn. Mae'r Cyngor Tref wedi neilltuo £3000 yn y braesept tuag at y gwaith o greu traciau beiciau gyda'r gweddill o'r arian i'w godi gan Ffrindiau Cae Baltic. Gobeithir i'r gwaith o godi ffens o amgylch y cae gael ei gwblhau cyn diwedd mis Mawrth. Yn anffodus mae un o drigolion ardal Cae Baltic wedi ceisio hawlio darn o'r cae yn anghyfreithlon ac wedi ei dyllu ar gyfer creu man parcio.

Argymell: I dderbyn y wybodaeth ac i gysylltu a chyfreithwyr y Cyngor Tref a gofyn iddynt ysgrifennu at y person sydd wedi creu man parcio anghyfreithlon ar dir y Cyngor Tref yn gofyn iddynt roi'r tir yn ol i'w gyfler gwreiddiol ar unwaith.

6. Lloches Bws Sgwâr Rawson

Cafwyd gwybodaeth bod graffiti anweddus wedi ei roi ar un o'r llochesi bws yn Sgwâr Rawson.

Argymell: I gysylltu â Chyngor Gwynedd a gofyn iddynt drefnu i lanhau'r lloches bws cyn gynted â modd.

7. Llwybrau Llechi

Cafwyd gwybodaeth bod y mapiau a yrrwyd ynglŷn â'r Llwybrau Llechi yn amhosib i'w darllen a bod angen mapiau mwy clir.

Argymell: I dderbyn y wybodaeth ac i holi Cyngor Gwynedd os oes ganddynt fapiau clir yn dangos llwybrau cyhoeddus yr ardal.